

Reykjavíkurborg kt. 530269-7609, Ráðhúsi Reykjavíkur og Caput tónlistarhópur kt. 491188-1629, Bragagötu 27, 101 Reykjavík gera með sér svofelldan:

SAMSTARFSSAMNING

Samningur þessi fjallar um stuðning Reykjavíkurborgar við starfsemi tónlistarhópsins Caput á tímabilinu 1. janúar 2018 til 31. desember 2020.

1. gr. Markmið

Meginmarkmið með stuðningi Reykjavíkurborgar við Caput er að styðja mikilvægan vettvang fyrir flutning samtímatónlistar á Íslandi.

Markmið Caput er vandaður tónleikaflutningur og útgáfa á nýrri tónlist, bæði á Íslandi og á alþjóðavettvangi. Sérstök áhersla er lögð á flutning nýrrar íslenskrar tónlistar og að stuðla þannig að eflingu og þróun íslenskrar hennar, en einnig að flytja erlenda nútímatónlist.

2. gr. Forsaga

Caput hefur frá upphafi (1987) sérhæft sig í hágæðaflutningi samtímatónlistar. Heimsþekkt tónskáld hafa samið verk fyrir hópinn sem og flest íslensk samtímatónskáld. Caput tekur virkan þátt í tónlistarlífi Íslands og umheimsins, hefur leikið á fremstu tónlistarhátíðum heims, farið í fjölmargar tónleikaferðir og gefið út geisladiska hjá nokkrum af þekktustu útgáfufyrirtækjum heims. Starfsemi Caput er áætluð sambærileg við undanfarin ár, tónleikar á Íslandi, tónleikaferðir og þátttaka í tónlistarhátíðum erlendis auk margvíslegra hljóðritana á nýjum tónverkum. Áherslan er á flutning íslenskra tónverka í bland við ný og áhugaverð erlend verk. Markmiðið er að vanda flutning sem allra mest svo tónlistin fái notið sín. Caput byggir á áralangri reynslu og hefur hefur skapað sér sess meðal fremstu flytjenda í heiminum í flutningi nýrra verka.

Caput hefur sérstöðu í íslensku tónlistarlífi. Hópurinn er jafnan talinn meðal virtustu flytjenda samtímatónlistar í Evrópu. Þá er Caput aðili að öflugum tengslaneti leiðandi norrænna nútímatónlistarhópa sem hafa staðið fyrir stórum samvinnuverkefnum. Áform eru um öfluga útrás í Evrópu í þessu samhengi. Caput hefur auk þess frá upphafi tekið virkan þátt í tónleikahaldi á Íslandi og ávallt með það að leiðarljósi að kynna nýja íslenska tónlist. Ein grunnástæða fyrir stofnun hópsins var enda sú að á Íslandi yrði til taks sérþjálfður hópur framúrskarandi hljóðfæraleikara sem annast gæti flutning á krefjandi samtímatónlist og komið fram á tónlistarhátíðum eins og Myrkum músíkdögum, Norrænum músíkdögum, Ung Nordisk Musik, Listahátíð í Reykjavík, Sumartónleikum í Skálholti og sambærilegum viðburðum hérlandis og erlendis.

Caput, eins og tónlistarlífið í heild, stendur nú á tímamótum. Útgáfa og sala geisladiska hefur að stórum hluta lagst af, netdreifing á tónlist er orðin almenn en sala er lítil. Aftur á móti hafa tækifæri til tónleikahalds og aðsókn að tónleikum aukist mikið, bæði hér heima og erlendis. Hljóðritanir eru þó ekki síður kostnaðarsamar en áður: tæknilegar kröfur mjög miklar og úrvinnsla tímafrek og sérhæfð. En þrátt fyrir þrengri sölumarkað er dreifingin mikil og útbreidd, sem gerir hljóðritanir og útgáfu jafnvel mikilvægari en áður.

Styrkur Caput er m.a. sá að meðlimir eru nánast þeir sömu í dag og frá stofnun - ólíkt því sem gengur og gerist meðal sambærilegra hópa erlendis. Nú sjá meðlimir þó fram á kynslóðaskipti og þá er mikilvægt að undirbúa jarðvegin vel því markmiðið er að geta rétt keflið áfram með



reisn. Ein hugmynd í þessu samhengi er að stofna uppeldisstöð ungs framúrskarandi tónlistarfólks sem hefði þann sameiginlega áhuga að vinna á vettvangi samtímatónlistar. Vinnuheitið er CAPUT cino. Haldnar yrðu tvær til þrjár vinnubúðir á ári, tíu dagar í senn, með intensífum æfingum, kennslu, tónleikum og hljóðritunum. Þar fengju stofnmeðlimir Caput tækifæri til að miðla umfangsmikilli reynslu sinni til nýrrar kynslóðar ungra hljómlistarmanna.

3. gr. Framlag Caput

Caput tekur að sér að annast flutning tónlistar samkvæmt verkefnaáætlun hljómsveitarinnar fyrir árin 2018 til 2020 er fylgdi umsókn. Caput sinnir tónleikum, upptökum og útgáfu á nýrri íslenskri tónlist fyrst og fremst en einnig flutningi erlendrar samtímatónlistar. Caput starfar með öðrum aðilum að flutningi á íslenskri sem erlendri nútímatónlist eftir því sem tilefni gefst til. Auk þess sinnir Caput alþjóðleg samstarfi með því að vinna með erlendum tónlistarmönnum bæði innanlands og utan. Þá sinnir Caput upptökum og útgáfu á ýmsum stafrænum miðlum í samstarfi við ýmsa útgefendur innanlands og utan. Á öllu kynningarefni Caput, jafnt innanlands sem utan, skal koma fram að hljómsveitin sé styrkt af Reykjavíkurborg og birtir hátíðin merki Reykjavíkurborgar í því skyni.

4. gr. Framlag Reykjavíkurborgar

Á samningstímanum leggur Reykjavíkurborg Caput til í beinum fjárframlögum kr. 1.800.000.- á ári 2018, 2019 og 2020. Upphæðirnar greiðast í tveimur greiðslum kr. 900.000.- þann 16. – 18. febrúar og 16. – 18. júní ár hvert.

Framlög Reykjavíkurborgar vegna áranna 2019 og 2020 eru með fyrirvara um samþykkt fjárhagsáætlunar hverju sinni. Verði gerð umtalsverð breyting á fjárveitingu til samningsins á fjárhagsáætlun taka aðilar upp viðræður um aðlögun hátíðarinnar að breyttri fjárveitingu.

5. gr. Ábyrgð


Caput ber ábyrgð á að starfsemi hópsins fullnægi kröfum um fagmennsku og gæði. Caput ber ábyrgð á skuldbindingum sem hljómsveitin eða aðilar á hennar vegum stofna til í tengslum við þennan samning. Caput er óheimilt að framselja greiðslur skv. samningi þessum til þriðja aðila og setja hann með öðrum hætti til tryggingar fjárskuldbindingu.

6. gr. Samskipti og eftirlit

Samráðsfundir aðila samningsins skulu haldnir í september ár hvert 2018, 2019 og 2020 þar sem farið verður yfir framkvæmd samningsins. Caput skilar þá Menningar- og ferðamálasviði ársreikningi og skýrslu fyrra árs, og áætlun um rekstur og efnahag ársins. Skrifstofustjóri menningarmála boðar til fundanna.

7. gr. Vanefndir og meðferð ágreinings.

Telji Caput hættu á að geta ekki uppfyllt samningsbundnar skyldur sínar skal skrifstofustjóra menningarmála tilkynnt um það skriflega án tafar. Ef ekki tekst að endurskoða verkefnaáætlun þannig að markmiðum samningsins verði náð er skrifstofustjóra menningarmála heimilt að fella niður greiðslur eða rifta samningnum. Ef sýnt þykir að framlag Reykjavíkurborgar hafi verið notað í öðru skyni en samkvæmt samningi þessum áskilur Reykjavíkurborg sér rétt til að krefjast endurgreiðslu framlagsins að öllu eða að einhverju leyti og rifta samningnum.



8. gr. Gildistími

Samningur þessi er gerður í samræmi við samþykkt menningar- og ferðamálaráðs þ. 18. desember 2017 um styrki og samstarfssamninga ráðsins. Samningurinn gildir til 31. desember 2020. Samningurinn er gerður í tveimur samhljóða eintökum og heldur hvor aðili sínu eintaki.

9. gr. Fyrirvari og ágreiningur

Samningurinn er gerður með fyrirvara um samþykkt menningar- og ferðamálaráðs Reykjavíkurborgar og borgarráðs. Rísi ágreiningsmál út af samningi þessum skal það rekið fyrir Héraðsdómi Reykjavíkur.



Reykjavíkurborg
Menningar- og ferðamálasvið

Reykjavík, 24.07 2018

F.h. Reykjavíkurborgar

A handwritten signature in black ink, appearing to read "Sigrún Páladóttir".

F.h. Caput

A handwritten signature in black ink, appearing to be a stylized name or initials.

Vottar að réttri dagsetningu og undirskrift:

myranna lúðskír 050977-3829
héraðsdómur 250624-4499